

四庫全書

集部

欽定四庫全書

五百家註柳先生集卷二十

雜著

沛國漢原廟銘

并序

韓曰漢惠帝即位詔有司為高  
帝立原廟至唐尚存載在祀典

昔在帝堯光有四海元首萬邦時則舜禹稷禹

童曰禹  
高辛氏

之子音薛

佐命垂統股肱天下

張曰肅元首明哉股肱  
良哉。一本作天子

與契同

聖德未衰而內禪

音禮

元臣繼天而受命四姓承休迭有

中邦

孫曰舜嫡氏禹姒氏后稷姬氏契子氏皆克之元臣其後迭有天下

五神環運災德

復起

孫曰五神五德也至漢為火德

周道削滅秦德暴戾皇天疇庸審

厥保承乃命唐帝之後振而興之

韓曰春秋晉史蔡墨有言陶唐氏既棄其

後有劉累班固

又俾九臣之後

孫曰九臣九官也謂禹作司空樂為后稷契為

司徒皋陶為士垂為共工益為虞伯夷為扶宗夔典樂龍為納言。九一作元

翊而登之所以

紹復丕績不墜厥祀故曲逆起為策士

張曰周封舜後於陳陳之子孫

以國為氏至漢陳平佐高祖封曲逆侯。曲逆音去遇

輔成帝圖吐謀洞靈奮奇

如神舜之胄也汝陰

韓曰汝陰夏侯嬰所封嬰之先出自姒姓杞簡公為楚所城弟佗奔

魯悼公以其夏禹之後給以采  
地爵為侯後因以為夏侯氏  
脫帝密網韓曰嬰為沛縣吏與高祖

相愛高祖戲而傷嬰人有告高祖高祖時為亭長重坐傷  
人告故不傷嬰嬰證之移獄覆嬰坐高祖繫歲餘答掠數

百終脫高祖推虜暴氣扶乘天休運行嘉謀禹之苗也鄒侯

韓曰鄭蕭何所封何之先出自子姓宋戴公裔孫樂大  
心平南宮長萬有功封於蕭後因以為氏。鄭音贊

保綏三秦控引漢中孫曰項羽立沛公為漢王都南鄭  
以何為丞相何追韓信東定三秦

何留牧巴蜀宏器廊度以大帝業禹之裔也淮陰  
韓曰淮陰韓信所封

信之先出自姬氏左氏曰邢晉應韓武之  
穆也曲沃桓叔之子萬食采於韓因為氏整齊天兵導

揚靈威覆趙夷魏拔齊殄楚孫曰覆趙謂斬趙王成安君陳餘夷魏謂虜魏王豹

定河東吞齊謂虜齊王廣

平陽

韓曰平陽曹參所封參之先封曹以國為姓○

珍楚謂會城下平項羽

陽下或有

破三秦虜魏王

孫曰高祖至漢中以參為將軍還定三秦與韓信攻魏復

夏字非是

魏王

絳侯

韓曰后魏封於郃七世孫古公直父居岐山之月原後因為氏曰周至於勃事漢封于絳

豹

定楚地固劉氏皆殺之裔也克復堯緒昭哉甚明天意

若曰建大德者必唐帝之胄故漢氏興焉翼炎運者必

唐臣之孫故羣雄登焉是以高帝誕膺聖祚以垂德厚

探昊穹之奧旨載幽明之休祐殺白帝于大澤以承其

靈

童曰高祖夜經澤中有大蛇當徑帝斬之後人至蛇所有老嫗哭曰吾子白帝子也化為蛇當道今赤帝

子新 建赤旗于沛邑以昭其神

張曰高祖為沛公旗幟尚赤

假手於

嬴以混諸侯

韓曰秦嬴姓謂秦併六國而復歸于漢

憑力於項以離關東

韓曰謂項羽剽悍而關東心離

奉纘帝之元命

續作管切

而四代之後咸獻

其用德乘木之大統

孫曰謂周木德也

而秦楚之盛不保其位

既建皇極設都咸陽撫征四方訓齊天下乃樂沛宮以

追造邦之本乃歌大風以昭武成之德

童曰高祖十二年過沛歌曰大

風起兮雲飛揚威加海內兮

乃尊舊邦

萬武作英

以壯王業

之基生為湯沐之邑沒為思樂之地且曰萬歲之下魂

遊於此

孫曰高祖謂沛父兄曰游子悲故鄉吾雖都關中萬歲之後吾視覬猶思沛其以沛為朕湯沐

邑惟茲原廟沛宮之舊也

韓曰惠帝詔郡國立原廟原重也謂先已有廟

祭蚩

尤於是庭而赤精降

張曰高祖既為沛公祠黃帝祭蚩尤於沛庭

導靈命於

是邦而羣雄至登布衣於萬乘而子孫得以繼其緒化

環堵為四海而黎元得以安其業基岱宗之高源洪河

之長蓄靈擁休此焉發跡蓋以道備於是而後行之天

下制成于是而後廣之宇內天下備其道而神復乎本

宇內成其制而心懷於舊宜其正名以表功用成其始

俾生靈盡其敬焉陳本以宅神用成其終俾生靈盡其

慕焉故高帝定位建茲閼宮

孫曰詩閼宮有恤建茲閼宮即上云沛宮也閼音秘

惠帝嗣服爰立清廟

見上注

綿越千祀至今血食此所以

成終而成始也且夫以斷蛇之威安知不運其密用佐

歲宮以流澤歟以約法之仁

張曰高祖入關與父老約法三章耳

安知不

流其神睠

與眷同

相舊邦之遺黎歟以紹唐之餘慶統天

之遺烈安知不奮其神化大祐於下土歟然則展慶乞

靈烏可已也銘于舊邑以迪天命其辭曰



蕩蕩明德時惟放勲揖讓而退祚於後昆羣蛇輔龍

孫曰

晉世家文公即位賞從亡者未至介子推子推入綿上山中至死不見子推從者憐之懸書宮門曰龍欲上天五蛇為輔龍已乘雲四蛇各入以翊天門

翊一作非音工

登翼

炎運唐臣之孫秦網既離鹿駭東夏長蛇封豕

韓曰左氏封豕

長蛇以薦食上國封豕大豬也

蹈躍中野天復堯緒鍾祐于劉赫矣漢

祖播茲皇猷揚旗沛庭約從諸侯

從將容切

豪暴震疊威聲

布流總制虎臣委成良疇勦殄霸楚

勦子小切

遂荒神州

孫曰

詩遂荒大東

區宇懷濡黔黎輯柔表正萬國炎靈用休定宅

咸陽以都上游留觀本邦在鎬如周

源曰詩王在在鎬  
文王都豐武王都

鎬穆穆惠皇宗裡克承崇崇沛宮清廟是憑原念大業

肇經茲地乃專元命亦舉嚴祀建旗纛鼓

纛許僅切  
旗一作旂

遂

據天位魂遊故都永介丕祉煥列唐典

見題

嚴恭罔墜

勤此休銘以昭本始

劍門銘

并序

惟蜀都重險多貨混同戎蠻人尤俗剽

孫曰尤  
雜也

嗜為寇

亂皇帝元年八月帥喪衆暴

韓曰永貞元年八月劍  
南西川節度使韋皋卒

韋

疑不制妖孽煽行

孽魚列反亦作孽

怙恃富强滔天阻兵

孫曰書東

恭泊天左氏阻兵安忍臯既卒度支副使劉闢自為留

後颺諸將傲詭節時帝即位欲靜鎮四方即拜檢校工

部尚書西川節度使闢意帝可攻陷他部北包劍門

動益驚塞吐不臣語求統三川

闢欲以所善盧文若節憑負丘陵以張驚猛堅利鋒鐔

度來川即以兵取梓州

以拒大順謂雷霆之誅莫已加也惟梁守臣

童曰蜀為古梁州之

地禮部尚書嚴公以國害為私讎以天討為已任

韓曰宰相

杜黃裳薦神策軍使高崇文勇畧可用元和元年正月

以崇文為行營節度使將步騎五千為前鋒率京西兵

馬使李元奕東川節度使李康

山南西道節度使嚴礪同討闢推仁仗信不待司死

童曰

孟子有司  
死之士

而人致其命立義抗憤不待喋血

孫曰漢文紀今已誅

諸呂新喋血京師。喋大類切字當作蹀蹀胡履踐之

而士一其心悉師出次祇

侯明詔凡諸侯之師必出於是儲峙饗賚

儲音廚峙直里切

取

其豐穰乃遣前軍嚴秦奉揚王誅誕告南土十一月

孫曰

當作二月

右師逾利州蹈寇地乘山斬虜以遏奔衝左師出

于劍門大攘頑嚚諭引劫脅蟻潰鼠駭險無以固

以下一有

為收奪利地以須王師

孫曰賜命嚴秦自漢原至神泉凡數十合下劍門覆盪口收劍

州破契丹命裨將可提弼珠斬虜之時將文昭德

剗剗腎腸振拔根柢俾無以

肆毒用集我勲力贊一振

贊音

元戎啟行

孫曰詩元戎十乘以先啟

行取其渠魁以為大戮

孫曰九月崇文克成都擒閹送長安

由公忠勇憤

排

上房吻切下音斐

授任堅明謀猷弘長用能啟闢險阨夷為

大塗褻沮害氣對乎天意帝用休嘉議功居首增秩師

長

韓曰傳云剗闕反以儲備有素檢校尚書左僕射

進為大藩定是南服

韓曰十月

以賜為東川節度

將校羣吏願刊山石昭著公之功垂統無窮

銘曰

井絡坤垠

韓曰蜀在星分野為井絡在卦為坤維孫曰河圖括地象曰岷山之地為井絡

時

惟外區

孫曰張載劾閭銘云知茲陝隘土之外區外區謂在區域之外

界山為門環於

蜀都叢險積貨混并羌髳

韓曰書牧誓及庸蜀羌髳微盧彭濮人八國皆戎狄屬文

王者國名羌在西蜀髳微在巴蜀。羌驅羊切髳音牙

狂猾窺隙信信嘯呼

信信

犬吠聲楚詞猛犬信信。信魚斤切折同

憑據勢勝厚其凶徒皇帝之仁宥

而不誅暴非德馴害及巴渝

張曰巴渝在唐屬劍南道

乃出王旅乃

咨列岳牧臣司梁

補注即胡嚴礪

當其要束器備攸積糗糧是

蓄

補注蓄峙乃糗糧糗乾飯

人無增賦師以饒足喋血誓士玄機在

握命分貔貅

上音皮下音休

陳為犄角

韓曰左氏譬如捕鹿晉人犄之諸戎角之說文

特偏引也

居衍切

右逾岷山左直劒門攻出九地

孫曰孫子云善守者藏於

九地之下善攻者動乎九天之上

上披重雲攀天蹈空夷視阻難破裂

層壘殄殲羣頑內獲固圉

補注左氏亦聊以固吾圉也

外臨平原天

兵徐驅卒乘嘽嘽

童曰詩王旅嘽嘽韓曰嘽嘽衆也詩嘽嘽駟馬他丹切

大慙囚

戮

孫曰大慙謂闕也書元惡大慙慙徒對切

戎夏咸歡帝圖厥功惟梁是先

開國進位南服于藩邦之清夷人以完安銘功鑑亂永

代是觀

塗山銘

并序

惟夏后氏建大功定大位立大政勤勞萬邦和寧四極

威懷之道儀刑後王

孫曰詩儀刑文王刑法也

當乎洪流方割

張曰書湯

湯洪水方割

災被下土自壺口而導百川

孫曰書冀州既載壺口治梁及岐此

是治水自壺口始也

大功建焉虞帝堯期順承天歷

重曰書舜宅帝位三十有

三載堯期倦于勤又曰天之曆數在汝躬汝終陟元后

自南河而受四海

孫曰孟子云舜

避堯之子於南河之南訟獄謳歌者不之堯之子而之舜然後之中國踐天子位焉今以為禹誤

大位

定焉萬國既同宣省風教自塗山而會諸侯

韓曰哀七年左氏禹

會諸侯於塗山執玉帛者萬國注塗山在壽春東北書云娶於塗山孔安國云塗山國名皇甫謐云今九江當



塗有禹廟則塗山在江南

大政立焉功莫崇乎禦大災

孫曰禮記能禦大災則祀

之言焉有治水之功

乃賜玄圭以承帝命

重曰書禹錫圭圭告厥成功

位莫尊

乎執大象

孫曰老子執大象天下往

乃輯五瑞以建皇極

孫曰五瑞即五玉也

音集

政莫先乎齊大統乃朝玉帛以混經制是所以承

唐虞之後垂子孫之丕業立商周之前樹帝王之洪範

者也嗚呼天地之道尚德而右功

孫曰右亦尊也

帝王之世崇

德而賞功故堯舜至德而位不及嗣湯武大功而祚延

于世有夏德配于二聖而唐虞讓功焉功冠于三代而

商周讓德焉宜乎立極垂統貽于後裔當位作聖著為  
世準則塗山者功之所由定德之所由濟政之所由立  
有天下者宜取於此追惟大號既發華蓋旣狩方岳列

位奔走來同山川守神莫敢違寧

孫曰吳代趙墮會稽獲骨焉節專車吳子

使來聘問之仲尼仲尼曰禹致羣神於會稽之山防風氏後至禹殺而戮之其骨節專車此為大矣客曰敢問誰守為神仲尼曰山川之守足以紀綱

羽旄四合

孫曰

天下者其守為神社稷之守為公侯

定四年左氏晉人假羽旄於鄭鄭人與之周禮全羽為旒析羽為旌旄一作毛

衣裳咸會

孫曰莊二

十七年穀梁傳衣裳之會十有一未嘗有飲血之盟

虔恭就列俯俛聽命然後示

之以禮樂和氣周洽申之以德刑天威震耀制立謨訓

宜在長久厥後啓征有扈而夏德始衰羿距太康而帝

業不守

韓曰啓禹之子太康啓之子書甘誓啓與有扈戰于甘之野作甘誓五子之歌注太康盤於遊

田不恤民事為羿所逐不得反國

皇祖之訓不由

重曰書皇祖有訓皇祖謂禹

人亡

政墜卒就陵替向使繼代守文之君又能紹其功德脩

其政統卑宮室惡衣服拜昌言平均賦入制定朝會則

諸侯常至而天命不去矣茲山之會安得獨光于後歟

是以周穆遐追遺法復會於是山

韓曰昭四年左氏椒舉言于楚子曰康有

鄧宮之朝穆有  
塗山之會也

聲垂天下亦紹前軌用此道也故余為

之銘庶後代朝諸侯制天下者仰則於此其辭曰

惟禹體道功厚德茂會諸侯衛

孫曰侯衛五  
等之諸侯

統壹憲度

省方宣教化制殊類咸會壇位承奉儀矩禮具樂備德

容既孚乃舉明刑以弼聖謨則戮防風

一本明刑作明  
則則戮作刑戮

遺骨專車

見上  
注

克明克威疇敢以渝宣昭黎憲

一作  
獻

者

定混區

孫曰者  
音旨

傳祚後胤丕承帝圖塗山巖巖界彼東

國唯禹之德配天無極即山刊碑貽後訓則

壽州安豐縣孝門銘 并序

集註唐孝友傳曰壽州永豐李興亦有志行柳宗元為作孝門銘云云全載于傳

壽州刺史臣承思言九月丁亥安豐縣令臣某上所部

編戶毗

與毗同

李興父被惡疾歲月就亟

就一作疾

興自刃股

肉假託饋獻其父老病已不能啖

上音淡下妹悅切正作歎

宿而

死興號呼撫臆口鼻垂血捧土就墳沾漬涕洟

漬疾智切洟音

夷

墳左作小廬蒙以苫茨

孫曰苫茨謂以草覆屋

伏匿其中扶服

頓踊

孫曰扶服即前句字頓踊謂躄踊也

晝夜哭訴孝誠幽達神為見異

廬上產紫芝白芝二本各長一寸廬中醴泉湧出奇形  
異狀應驗圖記此皆陛下孝理神化陰中其心而克致  
斯事謹案興氓庶賤陋循習淺下性非文字所導生與

耨耒為業

一作伍

而能鍾彼醇孝

醇音浮

超出古列天意神

道猶錫瑞物以表殊異伏惟陛下有唐堯如天如神之

德

童曰史記稱堯其仁如天其智如神

宜加旌褒合於上下請表其里閭

刻石明白宣延風美觀示後祀永永無極臣昧死上請

制曰可其銘云

一本無上三字

懿厥孝思

童曰詩永言孝思

惟茲淑靈稟承粹和篤守天經

童曰

天經孝也

泣侍羸疾默禱隱冥引刃自嚮殘肌敗形羞膳奉

進憂勞孝誠惟時高高

張曰詩高高在上

曾不是聽創巨痛仍

號於穹昊捧土濡涕頓首成墳陷膺腐皆寒暑在廬草

木悴死鳥獸踟躕

上音馳下音廚

殊類異族亦相其哀肇有二

位

孫曰二位天地也

孝道爰興克脩厥猷載籍是登在位有虞

以孝蒸蒸

韓曰舜克諧以孝蒸蒸又不格姦

仲尼述經以教於曾

孫曰孔子

孝經為曾參而作

惟昔魯侯見命夷宮

孫曰國語周宣王欲得國子之能導訓諸侯者

穆仲曰魯侯孝王曰然則能治其民矣乃命魯孝公於  
夷宮補注史記魯世家周宣王伐魯殺其君伯御立稱  
於夷宮是為孝公注云夷宮宣王祖亦有考叔寤莊稱

父夷王之廟古者爵命必於祖廟  
純韓曰左氏鄭莊公置姜氏于城類類考叔聞之有獻  
于公公從之遂為母子如初君子曰類考叔純孝也  
愛其母施  
及莊公  
顯顯李氏實與之倫哀嗟道路涕慕里隣邦

伯章奏稽首慙慙上動帝心旁達明神神錫祕祉三秀

靈泉

孫曰三秀芝草也楚詞山鬼章云采三秀于山間靈泉即上所云醴泉湧出也帝命薦加

亦表其門統合上下交贊天人建此碑號億齡揚芬

孫曰

十萬曰億億齡  
言其無窮也



武岡銘

并序

元和七年四月黔巫東鄙

黔音

蠻獠雜擾

舊注蠻獠西

老又竹紋切亦作獠

盜弄庫兵

集註元和六年辰溪蠻酋張伯靖嫉黔中觀察使督斂苛刻因聚衆

叛殺長史劫據辰綿諸州連九洞以自固九月以蜀州刺史崔能為黔中觀察使貶前使實羣為開州刺史

賊脅守帥南鈞牂牁外誘西原

韓曰漢定西南夷置牂牁郡西原西南夷地名

置魁立帥

一作伍

殺牲盟誓洞窟林麓嘯呼成羣皇帝下

銅獸符

孫曰漢置郡守置銅虎符竹使符發兵遣至郡合符符合乃聽發兵也符者謂各分其半右留

京師左以與之

發庸蜀荆漢南越東甌之師

孫曰庸即上庸縣庸蜀謂劍南東西

節度荆謂荆南節度漢謂山南東道節度南越謂廣州節度東甌謂福建觀察四面討問畏罪

憑阻逃遁不即誅時惟潭部戎帥

孫曰湖南觀察使治潭州也

御史

中丞柳公綽練立將校提卒五百屯於武岡

韓曰武岡邵州縣名

不震不騫如山如林告天子威命明白信順亂人大恐

視公之師如百萬視公之令如風雷怨號呻吟喜有攸

訴投刃頻伏

孫曰時黔中觀察使崔能荆南節度使嚴綬及公綽討之三歲不能定綬上言曰臣

今謹以便宜先遣所部將李忠烈肅書喻旨俟其悛心伯靖亦上表請隸荆南乃降乃獨詔綬招伯靖伯靖果以隸黔六州之地乞降綬命志烈復往伯靖遂以其家屬舒秀和等詣江陵就我詔綬皆授麾下將以撫之以

伯靖為右威衛翊府中郎將六州平

願完父子卒為忠信奉職輸賦進比

華人無敢不龔母弟生悒繼來于潭咸致天庭皇帝休

嘉式新厥命凶渠同惡革面向化如醉之醒如狂之寧

公為藥石俾復其性詔書顯異進臨江漢

孫曰以公綽為鄂岳觀察

使韓曰考公綽傳不書其平伯靖之功宜史逸之耶

益兵三倍為時碩臣殿於大

邦文儒申申有此武功於是夷人始復聞公之去相與

高蹈涕呼

孫曰哀二十一年左氏齊人歌曰魯人之卑數年不覺使我高蹈注高蹈猶遠行

若

寒去裘昔公不夸首級為已能力專務教誨俾邦斯平

我老洎幼由公之仁小不為虺蜥

童曰虺蜥蟲也蜥短孤也似鼈三足○虺

許偉切蜥音惑又越偏切

大不為鯨鯢

孫曰宣十二年左氏古者明王伐不敬取其鯨鯢而封之

以為大戮鯢祝以喻不義之人

恩重事特不邇而遠莫可追已願銘武

岡首以慰我思以昭我鄰

一作類

以示我子孫

一有彌字

億萬

年俾我奉國如今之誠鄰之我懷如公之勤其辭曰今

黔山之嶺

童曰嶺高也音嶺

巫水之蟠

韓曰巫山五溪也蟠曲也音盤

魚駭而

離獸犯而殘戶恐合竄披攘仍亂王師來誅

來一作末斯死

以緩公明不疑公信不欺援師定命

援一作授

俾邦克正皇

仁天施我反其性我塗四闔公示之盟我愚抵死公示之恩既骨而完既亡而存奉公之訓貽我子孫我始螫

賊

孫曰詩去其螟螣及其蟣賊釋  
蟲云食根蝨食節賊。螫音矛

由公而仁我始寇讎

由公而親山畋澤殿

舊註周禮有畋人  
殿與魚同畋音田

輸賦於都陶穴

刊木

張曰詩陶復陶  
穴書隨山刊木

室我姻族烹牲是祀公受介福

著以占

據舌據切又音舌  
據著一作折筭

公宜百禄皇懋公功陟于大

邦

孫曰謂  
遷鄂岳

遠哉去我誰嗣其良有穴之丹

孫曰辰州  
有丹穴

有

犀之顛匪曰余固公不可賂祝鄰之德恒遵公則勗余

之世永謹邦制

一作以永邦制

南夷作詩刻示來裔

井銘

并序

始州之人

孫曰謂柳州人

各以甕甑負江水

孫曰甕甑類大腹小口爾雅云康瓠

謂之甕瓠壺也舊注甕破也。甕奇駕甕五計切

莫克井飲崖岸峻厚旱則水

益遠人涉降大艱雨多塗則滑而顛恒惟咨嗟怨惑訛

言終不能就元和十一年三月朔命為井城北隍上

孫曰

隍城池

未晦果寒食洌而多泉

補注易井洌寒泉食洌清也

邑人以灌

其上堅垣

舊注說文云垣堅土也巨至切。一本作堅壯

其利悠久其相者浮

圖談康軍事牙將米景鑿者蔣晏凡用罰布六千三百

孫曰周禮鄆人掌斂市之罰布注罰布者犯市令者之泉錢行之曰布藏之曰泉役庸三十六

大甑千七百其深八尋有二尺

孫曰八尺為尋

銘曰

盈以其神其來不窮惠我後之人噫晴肯似於政

孫曰似續

也其來日新

一作盈其神

### 舜禹之事

晏元獻曰此文與下謗譽咸宜等篇恐是博士韋萇所作

魏公子丕由其父得漢禪

音擅

還自南郊謂其人曰舜禹

之事吾知之矣

韓曰魏黃初元年十一月文帝升壇即祚魏氏春秋曰禮畢顧謂羣臣曰舜禹

之事吾知之矣

由丕以來皆笑之柳先生曰丕之言若是可也

嚮者丕若曰舜禹之道吾知之矣丕罪也其事則信吾見笑者之不知言未見丕之可笑者也凡易姓授位公與私仁與強其道不同而前者忘後者繫其事同使以堯之聖一日得舜而與之天下能乎吾見小爭於朝大爭於野其為亂堯無以已之何也堯未忘於人舜未繫于人也堯之得于舜也以聖舜之得於堯也以聖兩聖



獨得於天下之上奈愚人何其立於朝者放齊猶曰朱

啓明

猶一作獨

而況在野者乎堯知其道不可退而自忘舜

知堯之忘已而繫舜於人也進而自繫舜舉十六族去

四凶族使天下咸得其人

仁一作

命二十二人興五教立

禮刑使天下咸得其理合時月正歷數齊律度量權衡

使天下咸得其用積十餘年人曰明我者舜也齊我者

舜也資我者舜也天下之在位者皆舜之人也而堯隕

然

隕徒同切

聾其聰昏其明愚其聖人曰往之所謂堯者果

烏乎在哉或曰耄矣曰匿矣又十餘年其思而問者加  
少矣至於堯死天下曰久矣舜之君我也夫然後能揖  
讓受終於文祖舜之與禹也亦然禹旁行天下功繫於  
人者多而自忘也晚益之自繫猶是也而啓賢聞於人  
故不能夫其始繫於人也厚則其忘之也遲不然反是  
漢之失德久矣其不繫而忘也甚矣宦董袁陶之賊生  
人盈矣

孫曰謂董卓  
紹袁術陶謙也

丕之父攘禍以立強積三十餘

年天下之主曹氏而已無漢之思也不嗣而禪天下得

欽定四庫全書

五言古詩卷之十

十六

之以為晚何以異夫舜禹之事耶然則漢非能自忘也  
其事自忘也曹氏非能自繫也其事自繫也公與私仁  
與強其道不同其忘而繫者無以異也堯舜之忘不使  
如漢不能授舜禹舜禹之繫不使如曹氏不能受之堯  
舜然而世徒探其情而笑之故曰笑其言者非也問者  
曰堯崩天下若喪考妣四海遏密八音三載子之言忘  
若甚然是可不可歟曰是舜歸德于堯史尊堯之德之  
辭者也堯之老更一世矣德乎堯者蓋已死矣其幼而

存者堯不使之思也不若是不能與人天下

謗譽

凡人之獲謗譽於人者亦各有道君子在下位則多謗  
在上位則多譽小人在下位則多譽在上位則多謗何  
也君子宜于上不宜於下小人宜于下不宜於上得其  
宜則譽至不得其宜則謗亦至此其凡也然而君子遭  
亂世不得已而在於上位則道亦拂於君而利必及於  
人由是謗行於上而不及於下故可殺可辱而人猶譽

之小人遭亂世而後得居於上位則道必合於君而害必及於人由是譽行於上而不及於下故可寵可富而人猶謗之君子之譽非所謂譽也其善顯焉爾小人之謗非所謂謗也其不善彰焉爾然則在下而多謗者豈盡愚而狡也哉在上而多譽者豈盡仁而智也哉其謗且譽者豈盡明而善褒貶也哉然而世之人聞而大惑出一庸人之口則羣而郵之

補註郵謂如  
置郵之傳也

且置於遠邇

莫不以為信也豈惟不能褒貶而已則又蔽於好惡奪

於利害吾又何從而得之耶孔子曰不如鄉人之善者  
好之其不善者惡之善人者之難見也則其謗君子者  
為不少矣其謗孔子者亦為不少矣傳之記者叔孫武  
叔時之顯貴者也其不可記者又不少矣是以在下而  
必困也及乎遭時得君而處乎人上功利及於天下天  
下之人皆歡而載之向之謗之者今從而譽之矣是以  
在上而必彰也或曰然則聞謗譽於上者反而求之可  
乎曰是惡可無亦徵其所自而已矣其所自善人也則

信之不善人也則勿信之矣苟吾不能分於善不善也則已耳如有謗譽乎人者吾必徵其所自未敢以其言之多而舉且信之也其有及乎我者未敢以其言之多而榮且懼也苟不知我而謂我盜跖之石吾又安取懼焉取一作敢苟不知我而謂我仲尼吾又安取榮焉知我者之善不善非吾果能明之也要必自善而已矣

咸宜

黃曰遭興運而爵位遇亂世而誅戮柳子咸以為宜使居爵位而皆賢被誅亂而皆不肖明為

不宜哉然世亦有如劉文靜裴寂之後當李唐  
之興非有卓絕之姿而尸天之功卒之被蹂妄  
誅被妖言斥有愧于蕭曹之輔漢遭興運而爵  
位時謂之宜可乎世又有如陳蕃孔融之徒當  
東漢之末實后臨朝曹節王甫諂諛得幸陳仲  
舉以名賢參政為黃門所用卒死於蹋踰曹孟  
德以鬼蜮之毒謀遷漢鼎孔文舉直論非忤終  
以積嫌速繫而棄市遇亂世而誅戮者皆謂之  
宜可乎

興王之臣多起汙賤人曰幸也亡王之臣多死寇盜人  
曰禍也余咸宜之當兩漢氏之始屠販徒隸出以為公  
侯卿相無他焉彼固公侯卿相器也遭時之非是以詘



獨其始之不幸非遭高光而以為幸也漢晉之末公侯卿相劫戮困餓器也遭時之非是以出獨其始之幸非遭卓曜而後為禍也

孫曰卓曜謂董卓劉曜

彼困於昏亂伏志

氣屈身體以下奴虜平難澤物之德不施於人一得

適其憐

孫曰憐向也

其進晚耳而人猶幸之彼伸於昏亂

抗志氣肆身體以傲豪傑殘民興亂之技行於天下

一得適其憐其死後耳而人猶禍之悲夫余是以咸

宜之

# 鞭賈

韓曰此篇端以諷空空于內者賈技于朝求過其分而實不足賴云黃曰以老芋為伏神以梘梘為偽鞭子厚之作意在憤世嫉邪耳然子厚所談者不外乎堯舜姬孔之道奈何乃以伊周管葛輕舉當路小人自取欺咎言行相反如是而罪市人鬻者之欺子厚真欺人耶

市之鬻鞭者人問之其賈宜五十

韓曰孟子布帛長短同則賈相若。賈音

嫁

必曰五萬復之以五十則伏而笑以五百則小怒五

千則大怒必五萬而後可有富者子適市買鞭出五萬持以夸余視其首則拳盛而不遂視其握則蹇仄而不

植其行水者一去一來不相承其節朽黑而無文

一本有材

字 稻之減爪而不得其所窮

孫曰爪按曰稻也稻乞洽切

舉之翺然

若揮虛焉

舊註翺飛也紙招切

余曰子何取於是而不愛五萬曰

吾愛其黃而澤且賈者云余乃召僮爚湯以濯之

童曰爚溫

也音 則遡然枯

遡音速

蒼然白嚮之黃者梔也

舊註梔木實可以染

黃音

澤者蠟也富者不悅然猶持之三年後出東郊爭

道長樂坂下

童曰坂坡也音反

馬相蹠

童曰蹠躅也莊子怒則分背相蹠蹠徒計切

因大擊鞭折而為五六馬蹠不已墜於地傷焉視其內

則空空然其理若糞壤無所賴者今之梃其貌蠟其言

以求賈技於朝

一有者字  
賈音古

當其分則善一誤而過其分

則喜當其分則反怒曰余曷不至於公卿然而至焉者  
亦良多矣居無事雖過三年不害當其有事驅之於陳力  
之列以御乎物以夫空空之內糞壤之理而責其大擊  
之效惡有不折其用而獲墜傷之患者乎

一無  
者字

### 吏商

黃曰聖賢之道行之以誠區區名利一切處之  
以無心子厚為廉將以為商使天下之廉者皆

執是說以要利祿則必有弊車贏馬惡衣菲食以沽名譽者多矣率天下以為偽未必不自斯

說啓之

吏而商也汙吏之為商不若廉吏之商其為利也博汙

吏以貨商資同惡與之為曹

孫曰資  
搗也

大率多減耗役傭

工費舟車射時有得失取貨有苦良

童曰周禮  
辨其苦良

盜賊水

火殺斂焚溺之為患

斂與  
奪同

幸而得利不能什一二身敗

祿奪大者死次貶廢小者惡終不遂

者一作  
名

汙吏惡能商

矣哉廉吏以行商

行下孟切下  
其行並同

不役傭工不費舟車無

資同惡減耗時無得失貨無良苦盜賊不得殺斂水火

不得焚溺利愈多名愈尊身富而家強子孫葆光

孫曰葆大

也音保是故廉吏之商博也苟脩嚴潔白以理政由小吏

得為縣由小縣得大縣由大縣得刺小州其利月益各

倍其行不改又由小州得大州其利月益三之一其行

又不改又由大州得廉一道

孫曰廉察也

其利月益之三

不勝富矣苟其行又不改則其為得也夫可量哉雖赭

山以為章

孫曰赭赤也章猶枚也史記山居千章之材是也○赭音者

涸海以為鹽

欽定四庫全書

五百家註柳先生集

卷二十一

並曰洞竭也

未有利大能若是者然而舉世爭為貨商以故

貶吏相逐於道百不能一遂人之知謀好邇富而近禍

如此悲夫或曰君子謀道不謀富子見孟子之對宋

碯

硯口並切

何以利為也

韓曰孟子謂宋碯曰為人臣者懷利以事其君為人子者懷利以事

其父是君臣父子兄弟終去仁義懷利以相接然而不亡者未之有也

柳子曰君子有二

道誠而明者不可教以利明而誠者利進而害退焉吾

為是言為利而為之者設也或安而行之或利而行之

及其成功一也

補註禮記中庸之文

吾哀夫沒於利者以亂人而

自敗也姑設是庶由利之小大登進其志幸而不撓乎

下撓女巧切以成其政交得其大利吾言不得已爾何暇從

容若孟子乎孟子好道而無情其功緩以疏未若孔子之急民也

### 東海若

東海若陸遊登孟諸之阿

集注東海若東海神名孟諸澤名按書導荷澤被孟諸注

在河東北漢地理志孟諸在梁國睢陽縣東北周禮作望諸

得二瓠焉

唐曰瓠匏也胡故切割

而振其屏以嬉

孫曰屏瓜瓣詩豳如瓠屏是也。剗丘胡切

取海水雜糞壤



欽定四庫全書

王臣詩集卷之十

二十四

蜺虬而實之

舊註曰蜺虬入腹中蟲蜺如消切虬音尤又音同

臭不可當也室

以密石舉而投之海逾時焉而過之曰是故棄糞耶其

一徹聲而呼曰我大海也東海若呶然笑曰

童曰呶然笑貌○呀

虛牙切怪矣今夫大海其東無東其西無西其北無北其

南無南旦則浴日而出之夜則滔列星涵太陰

孫曰太陰月也

揚陰火珠寶之光以為明其塵霾之雜不處也

霾音必

泊之西澁

音誓

故其大也深也潔也光明也無我若者今

汝海之棄滴也而與糞壤同體臭朽之與曹蜺虬之與

居其狹也

孫曰八寸曰尺

又冥暗若是而同之海不亦羞而

可憐哉子欲之于吾將為汝扶石破瓠盪羣穢於大荒

之島

滄音蕩

而同子於向之所陳者可乎冀水泊然不悅

曰我固同矣吾又何求於若吾之性也亦若是而已矣

穢者自穢不足以害吾潔狹者自狹不足以害吾廣幽

者自幽不足以害吾明而穢亦海也狹亦海也幽亦海

也突然而往于然而來孰非海者子去矣無亂我其一

聞若之言號而祈曰吾毒是久矣吾以為是固然不可

異也今子告我以海之大又目我以故海之棄糞也吾  
愈急焉涌吾沫不足以發其室旋吾波不足以穴瓠之  
腹也就能之窮歲月耳願若幸而哀我哉東海若乃挾  
石破瓠投之孟諸之陸盪其穢於大荒之島而水復於  
海盡得向之所陳者焉而向之一者終與臭腐處而不  
變也今有為佛者二人同出於毗盧遮那之海而泊於  
五濁之糞而幽於三有之瓠而室於無明之石而雜於  
十二類之蜣虬

孫曰十二類謂子  
為鼠丑為牛之類

人有問焉其一人曰

我佛也毗盧遮那五濁三有無明十二類皆空也一也  
無善無惡無因無果無脩無證無佛無衆生皆無焉吾  
何求也問者曰子之所言性也有事焉夫性與事一而  
二二而一者也子守而一定一有則字大患者至矣其人曰  
子去矣無亂我其一人曰嘻吾毒之久矣吾盡吾力而  
不足以去無明窮吾志而不足以超三有離五濁而異  
夫十二類也就能之其大小劫之多不可知也若之何  
問者乃為陳西方之事使修念佛三昧一空有之說於

是聖人憐之接而致之極樂之境而得以去羣惡集萬  
行居聖者之地同佛知見矣向之一人者終與十二類  
同而不變也夫二人之相遠也遠一作遠不若二瓢之水哉  
今不知去一而取一甚矣

五百家註柳先生集卷二十

欽定四庫全書

五百家註柳先生集卷二十一

雜著

讀韓愈所著毛穎傳後題

韓曰元和五年十一月公與楊誨之書云足下所持韓生毛穎傳來僕甚奇其書恐世人非之今作數百言知前聖不必罪俳也。退之毛穎傳見韓集三十六卷此不復載

自吾居夷

孫曰謂為永州司馬

不與中州人通書有來南者時言

韓愈為毛穎傳不能舉其辭而獨大笑以為怪而吾久

不克見楊子誨之來

補註誨之楊憑之子

始持其書索而讀之若

捕龍蛇搏虎豹

孫曰搏擊也

急與之角而力不敢暇信韓子

之怪於文也世之模擬竄竊取青媲白

舊註爾雅云媲配也匹諧切

肥皮厚肉柔筋脆骨而以為辭者之讀之也其大笑固

宜且世人笑之也不以其俳乎

唐曰說文俳戲也音排

而排又非

聖人之所棄者詩曰善戲謔兮不為虐兮

童曰詩淇澳之辭

太

史公書有滑稽列傳

孫曰滑稽也稽同也言便捷之人言非若是言是若非言能亂同異

也滑稽字音雖

皆取乎有益於世者也故學者終日討說

答問呻吟習復應對進退掬溜搖灑掬音菊溜力救切則罷憊

而廢亂

罷音疲憊蒲拜切

故有息焉游焉之說

張曰禮記之文

不學操

縵不能安

紘韓曰禮記之文注云操縵雜弄也○操七刀切紘一作弦

有所拘者有

所縱也太羹玄酒

孫曰禮記大羹不和注云太羹肉汁也不加鹽梅玄酒在室注云玄酒明

水蓋陰鑒所取之水也

體節之薦

孫曰體謂全體節謂折節

味之至者而又設

以奇異小蟲水草櫨梨橘柚

孫曰櫨似梨而酢橘柚似橙而酢○櫨音查

苦

鹹酸辛雖蜚吻裂鼻

童曰蜚蟲螫也音哲吻無悶反

縮舌澀齒而咸有

篤好之者文王之葛蒲菹

韓曰呂氏春秋云文王嗜葛蒲菹孔子聞而放之縮頸而



食之三年然後勝之

○菹側魚切亦作菹 屈到之芟

韓曰楚屈到嗜芟有疾名宗老屬之曰祭我必

以芟見罔語

○芟音技 曾哲之羊棗

孟子曾哲嗜羊棗而曾子不忍食羊棗哲曾點字然

後盡天下之奇味以足於口獨文異乎韓子之為也亦

將弛焉而不為虐歟

韓曰禮記張而不弛文武弗能也詩不為虐兮○虐吁謹切

息焉

游焉而有所縱歟盡六藝之奇味以足其口歟而不若

是則韓子之辭若壅大川焉其必決而放諸陸

孫曰國語防民

之口甚於防川壅而潰傷人必多

不可以不陳也且凡古今是非六藝

百家大細穿穴用而不遺者毛穎之功也韓子窮古書

好斯文嘉穎之能盡其意故奮而為之傳以發其鬱積

而學者得之勵其有益於世歟是其言也固與異世者

語而貪常嗜瑣者

孫曰瑣細也

猶占占然動其喙

補註占占多言貌他

協叨喙呼患切

彼亦勞甚矣乎

### 裴瑾崇豐二陵集禮後序

韓曰瑾嘗為萬年令公亦誌其墓碣謂其撰崇豐二陵集禮藏之向閣如序所言○瑾音僅又

渠巾切

傳曰詩書執禮

重曰論語之文

禮不執則不行

一無禮執二字

旬開元

制禮大臣避諱去國恤章而山陵之禮遂無所執世之

不學者乃妄取豫凶事之說而大典闕焉

孫曰周禮五禮吉凶賓軍

嘉也唐初從凶禮第五顯慶三年正月許敬宗李義府上所修新禮以為凶事非臣子所宜言去國卹一篇自是天子凶禮遂闕國有大故則臨時採掇附比以從事事已則諱而不傳故後世無考由是累聖

山陵皆撫拾殘缺附比倫類已乃斥去其後莫能徵永

貞元和間天禍仍遘

劉曰貞元二十一年正月德宗崩元和元年正月順宗崩

自崇

陵至於豐陵不能周歲

劉曰永貞元年十月德宗薨崇陵元和元年七月順宗葬豐陵

司空杜公由太常相天下

韓曰貞元二十年杜黃裳相元和二年罷其後檢校司空

連為禮儀使擇其僚以備損益於是河東裴瑾

補註裴瑾字封

叔河東聞喜人

以太常丞隴西辛秘以博士用焉

孫曰秘貞元中擢明經第

其學於禮家尤洽高郢為太常卿奏為主簿再辟禮儀使府

內之則攢塗秘器

孫曰攢

木以殯也漢舊儀云東園秘器作梓棺素木長三文崇廣四尺○摺祖九切通作最

象物之宜

孫曰

謂塗車易靈之屬

外之則復土斥上

孫曰漢文紀張武為復土將軍復土謂穿墳下棺已

而置之即以為墳故云復土復反也漢惠紀賜視作斥上者將軍四十金服虔云斥上曠上如淳曰斥開也開

土地為塚曠故以開斥言之

因山之制

孫曰漢文賢治霸陵因其山不起墳

上之則顧

命典冊

補註顧命臨終之命謂遺詔也

與文物以受方國

方一作萬

下之則

制服節文頒憲則以示四方由其肅恭禮無不備

晏本下且

字作具字

且包并總統千載之盈縮羅絡旁午百氏之異同

搜揚剪截而畢得其中顧問闕決而不悖於事議者以  
為司空公得其人而邦典不墜裴氏乃悉取其所刊定  
及奏復於上辨列於下聯百執事之儀以為崇豐二陵  
集禮藏之於太常書閣君子以為愛禮而近古焉者

或無

近字或無者字或無而近二字

昔韋孟以詩禮傳楚而郊廟之制卒正

於玄成

韓曰韋孟彭城人為楚元王傳作詩諷諫自孟至賢五世賢子玄成字少翁以父任為郎元帝

時秦罷鄭玄以箋註師漢而禪代之儀卒集於小同

韓曰

玄字康成北海高密人注周易尚書毛詩儀禮禮記論語孝經尚書大傳中候乾象歷等孫小同仕魏高貴鄉

公崇三老五更以小同為賈誼以經術起而嘉最好學

五更車駕躬行古禮焉

韓曰賈誼年少頗通諸家之書文帝召為博士後為梁王太傅死漢武初立舉誼孫二人至郡守嘉最好學能

世其家盧植以儒學用而堪為祭法

韓曰植字子幹涿郡人

將作尚書章句禮記解詁五世孫堪字子諒

舊史咸以

為榮今裴氏太尉公

韓曰謂瑾之以禮匡義嗣侍中公以

禮議封禪

韓曰謂瑾之曾祖光庭也開元十三年玄宗將封泰山恐突厥入寇光庭為兵部侍郎言

於宰相張說云

祠部公以禮承大事

韓曰謂瑾之祖積也累官起居郎開

元未玄宗以壽王瑁母寵欲立為太子積陳大理公曰  
申生處國之禍以練上謝之遷祠部員外郎大理公曰  
謂瑾之父傲也字九思官至大理卿以禮輔東宮而瑾也以禮奉二陵又

能成書以充其闕其為愛禮近古也源遠乎哉瑾字封

叔其伯仲咸以文學顯於世

孫曰傲四子堅瑾損墳皆有文學

大理之

兄正平節公

孫曰積子倚字容卿

以儀範成家道以文雅經邦政

童曰倚代第五琦為度支郎中

今相國郇公其宗子也

孫曰倚子均字君齊元和三年

九月同平章事封郇國公

郇公以孝友勤勞揚於家邦

一無

遊其門

若聞韶獲入其廟如至鄒魯恩溢乎九族禮儀乎他門  
則封叔之習禮也其出於孝弟歟成書也其本於忠敬  
歟由於家而達於邦國其取榮於史氏也果矣

### 柳宗直西漢文類序

韓曰公嘗誌宗直殯謂其撰漢書文章為四十  
卷歌謠言議纖悉備具連累貫統好文者以為  
工此序益公在  
永未召時作

左右史混久矣言事駁亂

孫曰禮記玉藻動則左史書  
之言則右史書之事即動也

音利  
○駁字

尚書春秋之旨不立

重曰書以紀言  
春秋以紀事

自左丘明



傳孔氏

補註謂左氏為春秋傳也

太史公述歷古今合而為史

補註司馬

連自序曰卒述陶唐以來至於麟趾自黃帝始著十二本紀作十表八書三十世家七十列傳凡百三十篇五

十二萬六千五百字為太史公書。一有記字

迄于交錯相紕

音

莫能離其說

獨左氏國語紀言不參事戰國策春秋後語

孫曰晉孔衍字舒元

以戰國策所書為未盡善乃引太史公所記參其同異刪彼二家聚為一錄號春秋後語

頗本右史

尚書之制然無古聖人蔚然之道大抵促數耗矣

童曰耗不

明也莫報切

而後之文者寵之

寵一作襲

文之近古而尤壯麗莫

若漢之西京班固書傳之吾嘗病其畔散不屬

之欲切

無

以考其變欲采比義會年長疾作駕墮愈日甚未能勝

也幸吾弟宗直

韓曰宗直字正夫公之從父弟也元和十一年從公至柳而卒年三十三

愛

古書樂而成之搜討磔裂

磔裂格切

擗撫融結

童曰說文云擗撫拾也博

雅云取也擗俱運切撫之石切

離而同之與類推移不易時月而咸得

從其條貫森然炳然若開羣玉之府

孫曰穆天子傳癸巳至於羣玉之山

先王之所謂策府注云言往古帝王以藏書策之府

指揮聯累圭璋琮璜之狀

集註

周禮六幣圭以馬璋以皮璧以帛琮以錦琥以黼璜以黻說文圭瑞玉也上員下方刺上為圭半圭為瑋琮大

八寸似車釭璜半璧○瑋音車璜音黃琮俱攻切

各有列位不失其叙雖第其

欽定四庫全書

五百家注柳先生集

七

價可也以文觀之則賦頌詩歌書奏詔策辨論之辭畢  
具以語觀之則右史紀言尚書戰國策成敗興壞之說  
大備無不苞也噫是可以為學者之端耶

一無  
之字

始吾少

時有路子者自贊為是書吾嘉而敘其意而其書終莫  
能具卒俟宗直也故刪取其叙繫於左以為西漢文類  
首紀殷周之前其文簡而野魏晉以降則盪而靡得其  
中者漢氏漢氏之東則既衰矣當文帝時始得賈生明  
儒術武帝尤好焉而公孫弘董仲舒司馬遷相如之徒

作風雅益盛敷施天下自天子至公卿大夫士庶人咸  
通焉於是宣於詔策達於奏議諷於辭賦傳於歌謠由

高帝迄於哀平王莽之誅四方之文章益爛然矣史臣

班孟堅修其書拔其尤者充於簡冊則二百三十年間

列辟之達道

童曰列辟  
人主也

名臣之大範賢能之志業黔黎

之風美列馬若乃合其英精

一作菁

離其變通論次其敘

位必俟學古者興行之唐興用文理

一作章

貞元間文章

特盛本之三代決於漢氏

決即  
協切

與之相準於是有能者

取孟堅書類其文次其先後為四十卷

楊評事文集後序

韓曰楊君凌也先友記云楊氏兄弟者弘農人  
遜由江南西道入為散騎常侍凝以兵部郎中  
卒凌以大理評事卒用知評事之為  
凌也審美唐書云凌終侍御史誤也

贊曰文之用辭令褒貶導揚諷諭而已雖其言鄙野足  
以備於用然而闕其文采固不足以竦動時聽矜示後  
學立言而朽君子不由也故作者抱其根源而必由是  
假道焉作於聖故曰經述於才故曰文文有二道辭令

褒貶本乎著述者也導揚諷諭本乎比興者也著述者  
流蓋出於書之謨訓易之象系春秋之筆削其要在於  
高壯廣厚詞正而理備謂宜藏於簡冊也比興者流蓋  
出於虞夏之詠歌殷周之風雅其要在於麗則清越

孫曰

揚子詩人之賦麗以則謂靡麗而有法則體記其聲清越而長

言暢而意美謂宜流於

謠誦也茲二者考其旨義乖離不合故秉筆之士恒偏  
勝獨得而罕有兼者焉厥有能而專美命之曰藝成雖  
古文雅之盛世不能並肩而生唐興以來稱是選而不

作者梓潼陳拾遺

韓曰陳子昂梓州射洪人嘗為右拾遺唐興文章承徐庾餘風天下祖尚

子昂始變正風雅

其後燕文貞以著述之餘攻比興而莫能極

韓曰張說封燕國公謚文貞朝廷大述作多出其手其文屬思精壯世所不逮說歿後帝使就家錄其文行於

世

張曲江以比興之隙

與隙同

窮著述而不克備

韓曰張九齡

川曲江人間元後天下稱曲江公而不名云一本窮字下有作者二字

其餘各探一隅相

與背馳於道者其去彌遠文之難兼斯亦甚矣若楊君者少以篇什著聲於時其炳耀尤異之詞諷誦於文人滿盈於江湖達於京師晚節徧悟文體尤邃敘述學富

識遠才涌未已其雄傑老成之風與時增加既獲是不

數年而天其季年所作尤善其為鄂州新城頌諸葛武

侯傳論餞送梓潼陳衆甫汝南周愿河東裴泰

孫曰貞元十八

年泰為安南都護

武都符義府

符一作可

太山羊士諤

孫曰元和三年士諤貶資

州刺史

隴西李鍊凡六序廬山禪居記辭李常侍啟遠遊

賦七夕賦皆人文之選已用是陪陳君之後其可謂具

體者歟嗚呼公既悟文而疾既即功而廢廢不逾年大

病及之卒不得窮其功竟其才遺文未克流於世休聲



未克充於時凡我從事於文者所宜追惜而悼慕也宗  
元以通家修好幼獲省謁故得奉公元兄命論次篇簡  
遂述其制作之所詣以繫於後

### 濮陽吳君文集序

韓曰據傳吳武陵信州人元和初擢進士第不  
書其父之名與文唯載初柳宗元謫永州而武  
陵亦坐他事流永宗元  
賢其才與序所言皆合

博陵崔成務當為信州從事為余言邑有聞人濮陽吳

君

孫曰吳君系本  
濮陽後居信州

弱齡長鬣而廣顙

孫曰春秋傳使長  
顙者謂長頸也

好學而善文居鄉黨未嘗不以信義交於物教子弟未

嘗不以忠孝端其本以是鄉相賢士率與亢禮余嘗聞

而志乎心會其子侶

去聲又口旱切與侃同

更名武陵升進士

韓曰

元和二年武陵登第

得罪來永州

韓曰元和三年武陵坐事流永州

因奉其先人

文集十卷再拜請余以文冠其首余得徧觀焉其為辭

賦有戒苟冒陵僭之志其為詩歌有交王公大人之義

其為誄誌弔祭有孝恭慈仁之誠而多舉六經聖人之

大旨發言成章有可觀者古之司徒必求秀士由鄉而

升之天官

孫曰禮記司徒命鄉論秀升之司徒曰選士論選士之秀者而升之學曰俊士周禮鄉大

夫獻賢能之書於王王拜而受之登於天府

古之太史必求人風陳詩以獻

於法宮

童曰王制命太師陳詩以觀民風

然後材不遺而志可見近世

之居位者或未能盡用古道故吳君之行不昭而其辭

不薦雖一命於王而終伏其志

伏一作大

嗚呼有可惜哉

無一

有字武陵又論次誌傳三卷繼於末其官氏及他才行甚

具云

孫曰武陵終韶州刺史無子女汭湘

五百家註柳先生集卷二十一